

四庫全書

集部

欽定四庫全書

集部

柳河東集注

序
卷一

詳校官內閣學士臣瑞保

檢討臣何思鈞覆勘

總校官進士 臣朱 鈐

校對官編修臣馮敏昌

謄錄監生臣方祖益

御製題增廣註釋音辨唐柳宗元集

文章韓柳稱伯仲邪正立身冬夏然黨入叔文真是謬

州憐禹錫或猶賢政傳柳郡差可耳廟祀羅池實幸焉

終是昌黎敦厚道惜其末路鮮周旋

柳宗元劉禹錫皆以王叔文黨外貶

宗元欲請以柳易播禹錫得改刺連州又宗元在柳州頗有政績州人祀於羅池廟韓愈作誌以為不自愛惜禹錫既以失身獲譴後因裴度之薦還朝錄用誌稱宗元不得有力者推挽盖惜無為之周旋吹噓者耳

--	--	--	--	--	--	--	--

欽定四庫全書

集部二

柳河東集注

別集類一 唐

提要

臣等謹案柳河東集注四十三卷舊本題宋

童宗說註釋張敦頤音辨潘緯音義宗說南

城人始末未詳敦頤有六朝事迹已著錄緯

字仲賢雲間人據乾道三年吳郡陸之淵序

稱為乙丑年甲科官瀟山學廣文亦不知其

終於何官也之淵序但題柳文音義序中所
述亦僅及緯仿祝充韓文音義撰柳氏釋音
不及宗說與敦頤書中所註各以童云張云
潘云別之亦不似緯自撰之體例蓋宗說之
註釋敦頤之音辯本各自為書坊賈合緯之
音義刊為一編故書首不以柳文音義標目
而別題曰增廣註釋音辯唐柳先生集也其
本以宗元本集外集分體排次合而為一已

非劉禹錫所編之舊而不收王銍偽龍城錄
之類則尚為謹嚴其音釋雖隨文詮解無大
考證而于僻音難字一一疏通以云詳博則
不足以云簡明易曉以省檢閱篇韻之煩則
於讀柳文者亦不為無益矣舊有明代刊本
頗多訛字此本為麻沙小字板尚不失其真
云乾隆四十六年十二月恭校上

總纂官臣紀昀臣陸錫熊臣孫士毅

總校官 臣 陸 費 墀

柳河東集註序

余讀韓柳文常思古人奇字齟齬吾目且祝吾喙也開
卷必與篇韻俱檢閱反切終日不能通一紙偶得二書
釋音如獲指南猶恨字畫差小不便老眼至蒲山郡齋
屬廣文是正將大其刻以傳學者一旦廣文携音訓數
帙示余曰昌黎文有江山祝充音義既反切難字又注
其所從出亡以復加惟子厚集諸家音義不稱是自詭
規模祝充撰柳氏釋音數月書成余實濫觴權輿是書

者序引其意詎敢以語言不工為解自小學不興六書
罔詔學者平日簡牘間頗有不分點畫不辨偏傍任私
意失本原雖以字學名世者未免斯弊若虞永興不知
姓顏平原不知名況下二子者耶甚者以弄璋為儔伏
臘為獵金根為銀至於古文奇字能不失句讀辨重輕
清濁者幾何人哉惟柳州內外集凡三十三通莫不貫穿
經史輶輶傳記諸子百家虞初稗官之言古文奇字比韓
文不啻倍蓰非博學多識前言者未易訓釋也廣文

中乙丑年甲科恬於進取尚淹選調生平用心於內不求
諸外遂能會粹所長成一寡言將與柳文並行不朽無
疑矣非刻意是書者未必知論著之不易也廣文諱緯
字仲寶雲間人姓潘氏乾道三年十二月吳郡陸之淵
書

欽定四庫全書

唐柳河東文集序

夔州刺史劉禹錫纂

八音與政通而文章與時高下三代之文至戰國而病

涉秦漢復起

潘云復扶富切又也又音服孟子聖人復起後以意求

漢之文至列

國而病唐興復起夫政疵而土裂

疵潘本作疝莫江切離也

三光五

嶽之氣分

潘云分元注扶問切廣韻分劑羣經音辨分限也

大音不完故必混

一而後大振初貞元中上方嚮文章昭回之光下飾萬

物天下文士爭執所長與時而奮繁然如繁星麗天而

芒寒色正

潘云芒音忘說文草端也又星芒角

人望而敬者五行而已河

東柳子厚斯人望而敬者歟子厚始以童子有奇名於

貞元初至九年為名進士十有九年為材御史二十有

一年以文章稱首入尚書為禮部員外郎是歲以疎雋

少檢

潘本作雋祖峻切與俊同字當作雋雋絕異也

獲詘出牧邵州又謫佐永

州居十年詔書徵不用遂為柳州刺史五歲不得召歸

病且草

張云音亟急也

留書抵其友中山劉禹錫曰我不幸卒

以謫死以遺草累故人禹錫執書以泣遂編次為四十
五通行於世子厚之喪昌黎韓退之誌其墓且以書來
弔曰哀哉若人之不淑吾嘗評其文雄深雅健似司馬
子長崔蔡不足多也安定皇甫湜視力切潘云常職切
持正貌唐皇甫湜字
持於文章少所推讓亦以退之言為然凡子厚名氏與
仕與年暨行已之大方張云暨其
冀切及也有退之之誌若祭文
在今附于第一通之末云

金史卷之二十一

序

欽定四庫全書

音釋唐柳河東集諸人姓氏

中山劉禹錫編

河南穆脩叙

眉山蘇軾評論

胥山沈晦辯

南城童宗說音註

新安張敦頤音辯

新安汪藻記

新津張唐英論

雲間潘緯音義

欽定四庫全書

柳河東集注卷一

宋 童宗說 張敦頤 潘緯 音釋

唐雅

獻平淮夷雅表

案毛詩注云淮夷在淮浦而夷行也吳元濟在淮蔡故曰淮夷宗元擬江漢之詩而作也

臣宗元言臣負罪竄伏違尚書牋奏十有四年

童云禮部郎官

掌尚書牋奏宗元以永貞元年自禮部員外郎貶為刺史至是十四年

聖恩寬宥命守遐

壤

謂元和十年為柳州刺史

懷印曳紱有社有人臣宗元誠感誠荷

頓首頓首伏惟睿聖文武皇帝陛下天造神斷克清大

慙

張云徒對反見康誥惡也謂平吳元濟

金鼓一動萬方畢臣太平之功

中興之德

潘云中陟仲切再也詩序周室中興焉

推校千古無所與讓因

伏自忖度

潘云忖取本切度待洛切

有方剛之力不得備戎行

音杭列也

致死命況今已無事思報國恩

一本作思德

獨惟文章伏見

周宣王時稱中興其道彰大于後罕及然徵於詩大小

雅其選徒出狩則車攻吉日命官分土則崧高韓奕烝

人

丞民作丞人
避唐太宗諱

南征北伐則六月采芑平淮夷則江漢

常武鏗鉤炳耀

童云鏗丘耕切鉤
呼宏切鏗鼓聲

盪人耳目

盪音蕩又
他浪反

故宣王之形容與其輔佐由今望之若神人然此無他

以雅故也臣伏見陛下自即位以來平夏州

童云永貞
元年八月

乙巳憲宗即位其年冬夏綏銀節度留後楊
惠琳反元和元年三月辛巳楊惠琳伏誅

夷劍南

童云

永貞元年八月癸丑劍南西川節度使韋臯卒行軍司
馬劉闢自稱留後元和元年正月癸未命高崇文率李

元奕嚴礪李康以討劉
闢十月戊子劉闢伏誅

取江東

童云元和二年十月鎮
海軍節度使李錡反殺

留後王澹乙丑命王諤討之癸丑鎮海軍兵馬使張子
良執李錡己卯免潤州今歲租十一月甲申李錡伏誅

定河北

童云元和七年八月戊戌魏博節度使田季安卒其子懷諫自稱知軍府事十月乙未魏博軍

以田季安之將田興知軍事是月魏博節度使田興以六州歸于有司十一月辛酉赦魏博貝衛澶相六州詔

田興充魏博節

度使賜名弘正

今又發自天衷克翦淮右

童云元和九年閏八月丙

辰彰義軍節度使吳少陽卒其子元濟自稱知軍事九

月丁亥命嚴綬李光顏李文通烏重胤討之十二年十

月癸酉克蔡州甲申給復淮西而大雅不作臣誠不佞

二年十一月丙戌吳元濟伏誅

然不勝憤踊

一作憤懣一作踊懣張云踊音勇懣音悶

伏以朝多文臣不敢

盡專數事謹撰平淮夷雅二篇雖不及尹吉甫召穆公

等庶施諸後代有以佐唐之光明謹昧死再拜以獻臣

宗元誠恐誠懼頓首頓首謹言

平淮夷雅二篇

皇武命丞相度董師集大功也

董督也元和十二年七月宰相裴度充淮西宣

慰處置使平吳元濟

○皇耆其武

童云耆致也詩云耆定爾功耆音旨又匡移反

于激于

淮

激於斤切童云唐激水縣屬陳州元和九年討蔡以李光顏為陳州刺史充忠武軍都知兵馬使始踰月

權本軍節度使詔以其軍當一面光顏乃壁激水明年大破賊時曲俄又與烏重肩破賊小激河

既巾

乃車

巾飾也周禮有巾車

環蔡其來

一作具來

狡衆昏驚

魚巾切張云口不道忠信

之言

甚毒于醒

音呈酒病

狂奔叫呶

尼交切亦作讟讟聲

以干大刑

干

作

○皇咨于度惟汝一德曠誅四紀

韓平淮西碑云蔡帥之不廷授于今

五十年謂自大歷十四年李希烈鎮蔡州至元和十二年滅吳元濟

其後汝克錫汝斧鉞

其往視師師是蔡人以宥以釐

潘云陵之切一音僂福也前漢祠官祝釐師古

曰釐本字作禧似借用耳

○度拜稽首廟于元龜既禡既類

禡莫駕切童云

師祭于社是宜金節煌煌錫盾雕戈

盾之尤切戈謂平頭戟潘云錫音陽馬頭

師也犀甲熊旂威命是荷

音何童云左傳昭七年弗克負荷平聲

○度拜稽

首出次于東天子餞之罍尊是崇鼎臚俎載

潘云臚汝朱切嫩矣

貌又奴刀切羊永臂也載側吏切大臚

五獻百籩凡百卿士班以周旋○

既涉于瀟

所簡切童云水名在京兆唐都於此裴度節度淮西及行帝御通化門臨遣涉此水以往

乃翼乃前孰圖厥猶其佐多賢

裴度表馬總為副使韓愈為行軍司馬李正封

馮宿為判官李宗閔為掌書記李文悅為都知兵馬使高承簡為都押衙

窈窕周道于山于

川遠揚邇昭陟降連連○我旆我旂于道于陌訓于羣

帥拳勇來格

巧言詩注拳力也

公曰徐之無恃額額

鄂格切勇悍貌一本

依尚書作額

式和爾容惟義之宅○進次于郾

於憲切童云唐許州潁川

郡有郾城縣與蔡州為鄰裴度傳云度屯郾城勞諸軍宣朝廷厚意士奮于勇李光顏傳云十二年四月敗賊于郾城郾守將鄧懷金大恐率諸將來服開門待光顏入之城自壞者五十版潘云音偃

彼昏卒狂

東兗鞠頑

東薄侯切
張云聚也

鋒蝟斧蟾

潘云蝟音胃蟲似豪猪
蟾音唐蟲也後漢史作

螳

赤子匍匐厥父是亢

下郎切

怒其萌芽以悖太陽○王

旅渾渾是佚是怙既獲敵師若飢得餉

音步童云中時
食潘云音步餉

舖餉又音布與食
也又音適歡也

蔡兗伊窘悉起來聚左擣其虛

擣音
擣案

唐書李祐言于李愬請乘虛直抵蔡城
愬從之用夜半到蔡擒吳元濟以獻

靡愆厥慮○載

闔載祓

音弗

丞相是臨

謂梁度建彰
義節入蔡州

弛其武刑諭我德心

其危既安有長如林

長上聲

曾是謹詭

女交切
惠呼

化為謳吟

○皇曰來歸汝復相予爵之成國

一作公于有晉以下
文觀之意若重複左

傳哀公十四年成國不過半
天子之軍成國謂公侯之國

昨以夏墟

左傳定公四年
分唐叔命以唐

誥而封于夏墟
注夏墟今太原晉陽

度拜稽首天子聖神度拜稽首皇祐

下人○淮夷既平震是朔南

潘云叶韻尼心切選
云鸞鳳飛而北南

宜廟

宜郊以告德音歸牛休馬

牛一作月

豐稼于野我武惟皇永

保無疆

皇武十有一章章八句

方城命愬守也

愬音斯方城山名在唐州元和
十一年李愬為唐鄧隨節度使

卒入蔡

得其大醜

謂擒吳
元濟

以平淮右○方城臨臨王卒峙之

峙直

里切張云具也

匪徵匪競

徵古堯切童云求也

皇有正命

正一作王

皇命于愬

往舒余仁踣彼艱頑

踣蒲墨切強也

柔惠是馴

○愬拜即命于

皇之訓既礪既攻以後厥刃王師疑疑

魚力切又音疑山名熊羆

是式銜勇韜力日思予殪

殪又作思奮予殪又作日思奮殪

○寇昏以狂

敢蹈愬疆士獲厥心大袒高驤長戰首矛繫其綏章

綏章所

引以登車者章謂有文采

右剪左屠聿禽其良

李愬擒丁士良不殺士良感之擒陳光治

吳秀琳遂降愬厚待秀琳秀琳曰公欲取蘇非李祐不可遂擒祐不殺用其策

○其良既宥告

以父母恩柔于肌卒貢爾有維彼攸恃乃偵乃誘

偵丑丑

正二切童
云候也

維彼攸宅乃發乃守○其恃爰獲我功我多

陰謀厥圖

謀達協切

以究爾訛雨雪洋洋大風來加于燠其

寒于通其遐○汝陰之茫懸瓠之峨

瓠音護童云李愬傳云愬入蔡州取

吳元濟道分輕兵斷橋以絕洄曲道又以兵絕朗山道
行七十里夜半至懸瓠城雪甚城旁皆鵝鵝池愬令擊
之以亂軍聲賊恃吳房
朗山戍晏然無知者是震是拔大殲厥家狡虜既縻

輸于國都示之市人即社行誅

行一作以

○乃諭乃止蔡有

厚喜完其室家仰父俯子汝水沄沄

音云

既清而瀾

一作夷

蔡人行歌我步逶遲

逶於危切

○蔡人歌矣蔡風和矣孰籲

欽定四庫全書

卷一

蔡初

類纂本
作類

胡孰爾居

孰丘例切董云爾雅康孰謂之
親說文康孰破矍也前漢賈誼

傳注康孰瓦盆底潘云顏師古音五
列切字當作號危也楊子音五計切

式慕以康為愿有

餘是究是咨皇德既舒○皇曰咨愬裕乃父功昔我文

祖惟西平是庸

李愬父李晟事德宗平朱泚
封西平王德宗乃憲宗之祖

內誨于家

外刑于邦孰是蔡人而不率從○蔡人率止惟西平有

子西平有子惟我有臣疇允大邦

一本尤
作元

俾惠我人于

廟告功以顧萬方

方城十有一章章八句

唐鏡歌鼓吹曲十二篇

重云晉書樂志云漢時有短簫鏡歌之樂其曲有朱鷺思悲翁釣竿等曲列於鼓吹多序戰陳之事鏡女交切吹尺偽切

負罪臣

一本無負罪字

宗元言臣幸以罪居永州

憲宗即位宗元貶永州司

馬受食府廩竊活性命得視息無治時事恐懼小閒

音閑

又盜取古書文句聊以自娛伏觀漢魏以來代有鏡歌

鼓吹詞唯唐獨無有臣為郎時以太常聯禮部

謂為禮部負外

郎時與太常寺相連

嘗聞鼓吹署有戎樂詞獨不列今又考漢曲

十二篇

一朱轅或作朱鷺二思悲翁三艾如張四上之四五翁離六戰城南七巫山高八上陵九將進

酒十有所思十一芳樹十二上雅

又有君馬黃雉子斑臨高臺等曲 魏曲十四篇

童云及魏受命

改其十二曲使繆襲為詞述以功德代漢

晉曲十六篇

童云及晉武帝受禪乃令傅玄製為二十

二篇亦述以功德代魏

漢歌詞不明紀功德魏晉歌功德具今臣

竊取魏晉義用漢篇數為唐饒歌鼓吹曲十二篇紀高

祖太宗功能之神奇因以知取天下之勤勞命將用師

之艱難每有戎事治兵振旅幸歌臣詞以為容且得大

戒宜敬而不害臣淪棄即死言與不言其罪等耳猶冀

能言有益國事不敢效怨懟默已

懟音隊童云左傳云以死誰懟

謹冒

死上

隋亂既極唐師起晉陽平姦豪為生人義主以

仁興武為晉陽武第一

晉陽太原屬邑

晉陽武奮義威煬之渝

煬隋帝諡音漾張云暴也渝一作渝

德焉歸氓畢

屠綏者誰皇烈烈專天機號以仁揚其旗日之昇九土

晞

一作熙

訴田圻

音沂一作圻田圻

流洪輝有其二翼餘隋斲梟

驚

斲側略切梟古堯切童云前漢郊祀志古天子春祠黃帝用一梟破鏡梟鳥名食母破鏡獸名食父黃帝

欲絕其類使百吏祠皆用之破鏡如狸而虎眼漢五月
五日作梟羹以賜百官驚五高切不祥烏白身赤口也

連熊螭

潘云螭丑知切如龍而黃

枯以肉勑者羸

勑渠京切羸也左傳勑敵之人

后

土蕩玄穹彌合之育莽然施

莽母黨莫補二切莊子通莽蒼者莽又莫郎切

惟

德輔慶無期

右晉陽武二十六句

句三字

唐既受命李密自敗來歸以開黎陽斥東土為

獸之窮第二

一本題云李密自却山之敗其下皆貳霸王之業知天授在唐

遂歸于有道享我爵命為獸之窮

獸之窮奔大麓天厚黃德

謂唐土德

狙獠服

狙七餘切獠古猛切揚雄美新

云肉角之獸狙獠而不臻

甲之橐弓弭矢箛

音服童云矢房

皇旅靖敵途蹙

自亡其徒匪予戮屈贊猛

韻中無贊字或云音吠或云即周禮越字與暴同

虔

慄慄縻以尺組斲以秩

李密降唐唐以為光祿卿封邢國公縻忙皮切斲杜覽切與嚼

同黎之陽土茫茫

李密舊境

富兵戎盈倉箱乏者德莫能享

音香張云協聲享也

驅豺兕授我疆

右獸之窮二十二句

其十八句句三字其四句句四字

太宗師討王充

童云即王世充也避太宗諱故去世字餘倣此

建德助

逆師奮擊武牢下擒之遂降充為戰武牢第

三 即虎牢也唐諱虎字改為武

戰武牢動河朔

實建德所據

逆之助圖倚角

倚居詩切童云壁如捕鹿晉人

角之諸戎倚之與晉踣之注云倚其足也見左傳襄公十四年

怒敵麋

麋古候切童云鳥子生哺者或

作驚音丘候切麋莫分切張云鹿子

抗喬嶽翹萌芽傲霜電王謀內定申

掌握鋪施艾夷二主縛憚華戎廓封畧命之普

母亘切童云又

蒙薨夢三音

卑以斲

潘云卑當作卑楚辭羌兩足以卑斲

歸有德唯先覺

右戰武牢十八句

其十六句句三字其二句句四字

薛舉據涇以死子仁果尤勇以暴師平之為涇

水黃第四

涇水黃隴野茫

薛舉所據

負太白

星名一云山名

騰天狼

妖星

有鳥鵲

立羽翼張鉤喙決前

喙決機切

鉅趯傍

鉅一作距趯音惕童云跳也

怒飛

飢嘯翔不可當

翔驟緣切

老雄死

武德元年薛舉寇涇州敗唐兵有疾死

子復

良

薛仁果儲帝位

巢岐飲渭肆翔翔頓地紘提天綱列缺掉幟

幟尺志切列缺電也旗幟如此

招搖耀鉉

北斗建指之星術家謂之破軍

鬼神來助夢

嘉祥腦塗原野魄飛揚星辰復恢一方

右涇水黃二十四句

其十五句句三字
其九句句四字

輔氏憑江淮竟東海命將平之

輔公祐稱帝於
丹陽詔趙郡王

李孝恭及李靖李

勳討之傳首京師

為奔鯨沛第五

奔鯨沛蕩海垠

魚巾切
岸也

吐霓翳日腥浮雲帝怒下顧哀

塾昏

塾都
念切

授以神柄推元臣

謂李孝
恭等

手援天矛截脩鱗

披攘蒙霧

武賦切童云興霧
同又茂第二音

開海門地平水靜浮天根

義和顯耀乘清氛赫炎溥暢融大鈞

右奔鯨沛十八句

其十句句三字
其八句句四字

梁之餘保荆衡已巫窮南越良將取之不以師

蕭銑後梁宣帝曾孫也僭稱皇帝西至三峽南盡交趾北拒漢水皆附焉武德四年李孝

恭李靖

討平之

為芭枿

牙葛牙結二切伐木餘也與藥同

第六

芭枿黠矣

黠音隊童云茂也集韻作辦字

惟根之蟠彌已蔽荆負南極

以安曰我舊梁氏

張云曰音冒

緝綏艱難江漢之阻都邑固

以完聖人作神武用有臣勇智奮不以衆投跡死地謀

猷縱化敵為家慮則中

去聲

浩浩海裔不威而同係縲降

王定厥功澶漫萬里

澶音憚漫莫半切童云杜詩澶漫山東二百州謂散遠也

宣唐

風蠻夷九譯咸來從凱還金奏

還一本作旋

象形容震赫萬

國罔不龔

張云音恭義同通用

右苞枿二十八句

其十六句句四字其三句五字其九句句三字

李執保河右師臨之不克變或執以降

平聲執將安與

貴執 為河右平第七

河右澶漫頑為之魁王師如雷震崑崙以頽上聾下聰

驚不可迴

安與貴仕于長安表請說執執唐遣之與貴至武威說執令舉河西以歸唐執不聽與貴執

執以獻

助讎抗有德惟人之災乃潰乃奮執縛歸厥命萬

室蒙其仁一夫則病濡以鴻澤皇之聖威畏德懷功以
定順之于理物咸遂厥性

右河右平十八句

其十一句句四字其五句句五字其二句句三字

突厥之大

厥九勿切

古夷狄莫強焉師大破之降其

國告于廟

突厥古匈奴北部貞觀三年詔李靖李勣討之頡利懼竄鐵山靖乘

間襲擊遂大破滅其國張寶相追擒之

為鐵山碎第八

鐵山碎大漠舒二虜勁

頡利突利二可汗

連穹廬背北海專坤

隅歲來侵邊或傳于都

武德九年頡利入寇至便橋太宗與盟于渭上潘云傳音附

天子命元帥奮其雄圖破定襄降魁渠

李靖襲定襄破之頽利所親康

蘇密來奔又突利率所部來奔

窮竟窟宅斥余吾

斥開也一作并余吾匈奴地名

百蠻

破膽邊氓蘇威武輝耀

輝一本作輝當善切

明鬼區利澤彌萬祀

功不可踰官臣拜手

左襄公十八年其官臣偃注守官之臣

惟帝之蓐

右鐵山碎二十二句

其十一句句三字其九句句四字其二句句五

字

劉武周敗裴寂咸有晉地太宗滅之為靖本邦

第九

本邦伊晉惟時不靖根柢之搖

張云祇典禮切木根也漢書音帶

枝葉

攸病守臣不任

謂裴寂敗武周進通并州遂據太原

勤于神聖

童云勤羊至切勞也

太宗敗宋金剛於雀鼠谷又破劉武周於洛州遂復故地

惟鉞之興翦焉則定洪惟

我理

洪一本作往

式和以敬羣頑既夷庶績咸正皇蓍載大

惟人之慶

右靖本邦十四句

句四

李靖滅吐谷渾

張云音鬼

西海上為吐谷渾第十

吐谷渾盛強背西海以夸歲侵擾我疆退匿險且遐帝

謂神武師往征靖皇家烈烈旆其旗熊虎雜龍蛇王旅

千萬人銜枚默無譁束力踰山徼

音叫境也

張翼縱漠沙一

舉刈羶腥尸骸積如麻除惡務本根况敢遺萌芽洋洋

西海水威命窮天涯係虜來王都

貞觀九年李靖平吐谷渾獲其王慕容伏

兄以

歸 犒樂窮休嘉登高望還師竟野如春華

竟一本作競

行

者靡不歸親戚謹要遮

要伊消切

凱旋獻清廟萬國思無邪

右吐谷渾二十六句

句五字

李靖滅高昌為高昌第十一

麴氏雄西北

高昌王麴文泰與西突厥通武德十三年侯君集討之文泰死子智盛降唐

別

絕臣外區

張云別筆列切異也

既恃遠且險縱傲不我虞烈烈王

者師熊羆以為徒龍旂翻海浪駟騎馳坤隅

童云駟人實切傳車

也

賁育搏嬰兒

童云賁音奔孟賁夏育皆衛人有勇力者

一掃不復餘平沙

際天極但見黃雲驅臣靖執長纓智勇伏囚拘文皇南

面坐

唐太宗文皇帝

夷狄千羣趨咸稱天子神往古不得俱獻

號天可汗

童云音寒貞觀四年滅突厥四夷君長詣闕請帝為天可汗帝曰我為大唐天子又下行

可汗事乎羣臣及四夷皆稱萬歲是後以璽書賜西北君長皆稱天可汗

以覆我國都

覆去聲

兵戍不交害各保性與軀

成一作戎

右高昌二十二句

句五字

既克東蠻羣臣請圖蠻夷狀如周書王會

東謝蠻在

黔州西數百里貞觀三年其酋長謝元升入朝冠烏熊皮履以金銀絡頸身被毛帔韋皮衍藤而著履顏師古因奏言周武王時遠國歸款周史集其事為王會篇乃命閭立本圖之
為東蠻第十二

東蠻有謝氏冠帶理海中自言我異世雖聖莫能通王

卒如飛翰

張云翰侯汗切又何干切

鵬騫駭羣龍

童云騫音軒飛舉貌

轟然自

天墜乃信神武功繫虜君臣人累累來自東

累倫追切

無思

不服從唐業如山崇百辟拜稽首咸願圖形容如周王

會書永永傳無窮睢盱萬狀乖

張云睢許規切盱凶于切張目也

咿嗚

九譯重

童云咿音伊嗚乙骨切言不明也

廣輪撫四海

童云廣古廣切周禮廣輪之數

東西為廣南北為輪

浩浩知皇風歌詩鐃鼓間以壯我元戎

右東蠻二十二句

句五字

眎民詩

美房杜一本

在貞符後

帝眎民情

謂天帝

匪幽匪明慘或在腹已如色聲亦無動

威亦無止力弗動弗止惟民之極帝懷民眎乃降明德

謂唐君

乃生明翼

謂輔臣

明翼者何乃房乃杜

房玄齡杜如晦

惟房

與杜實為民路廼定天子廼開萬國萬國既分廼釋蠹

民廼學與仕廼播與食廼器與用廼貨與通有作有遷

無遷無作士實蕩蕩農實董董工實蒙蒙賈實實融融左

右惟一出入惟同攝儀以引以遵以肆

音曳 各作肆

其風既

流品物載休品物載休惟天子守乃二公之久惟天子

明乃二公之成惟百辟正乃二公之令惟百辟穀乃二公之祿二公行矣弗敢憂縱是獲憂共二公居矣弗敢泰止是獲泰已既柔一德四夷是則四夷是則永懷不貳

貞符

并序

負罪臣宗元惶恐言臣所貶州流人吳武陵

流人謂遷謫貶降者

為臣言董仲舒對三代受命之符誠然非耶臣曰非也何獨仲舒爾自司馬相如劉向揚雄班彪彪子固皆沿

金史卷一百一十五
襲嗤嗤

潘云充之切揚子六國
案注無知也字不同

推古瑞物以配受命其

言類淫巫瞽史誑亂後代

誑古況切

不足以知聖人立極之

本顯至德揚大功

一作公

盛失厥趣臣為尚書郎時

在永貞元

年

當著貞符言唐家正德受命於生人之意累積厚久

宜享無極之義

一本享字下有年字

本末閎闊會貶逐中輟不克

備究武陵即叩頭邀臣此大事不宜以辱故休缺

潘云傾雪

切破也少也集韻缺或作缺

使聖王之典不立無以抑詭類拔正道

表覈萬代臣不勝奮激即具為書念終泯沒蠻夷不聞

于時獨不為也苟一明大道施于人世死無所憾用是
自決臣宗元稽首拜手以聞曰

孰稱古初朴蒙空伺而無爭厥流以訛越乃奮攸

童云古奪

字書攷據矯
度一作擊

鬪怒振動

一本此下有靜字唐
書無今從之絕句

專肆為淫

威曰是不知道惟人之初總總而生林林而羣雪霜風
雨雷電暴其外於是乃知架巢空穴挽草木取皮草飢

渴牝牡之欲毆其內

毆與
驅同

於是乃知噬禽獸咀果穀

音噬

誓咀在
呂切

合偶而居交焉而爭睽焉而鬪力大者搏齒利

者齧

倪結切

爪剛者決羣衆者軋

乙點切

兵良者殺披披藉

藉草野塗血然後強有力者出而治之往往為曹於險

阻用號令起而君臣什伍之法立德紹者嗣道息者奪

於是有聖人焉曰黃帝遊其兵車

一無遊字

交貫乎其內一

統類齊制量

去聲

然猶大公之道不克建於是有聖人焉

曰堯置州牧四岳持而綱之立有德有功有能者參而

維之運臂率指屈伸把握莫不統率

一本此下有堯字

年老舉

聖人而禪焉大公乃克建由是觀之厥初罔非極亂而

後稍可為也而非德不樹

一無字

故仲尼叙書於堯曰克

明俊德於舜曰濬哲文明於禹曰文命祗承于帝於湯

曰克寬克仁彰信兆民於武王曰有道曾孫稽揆典誓

貞哉惟茲德實受命之符以奠永祀後之妖淫囂昏好

怪之徒

童云囂魚巾切左傳曰口不道忠信之言為囂作囂者非

乃始陳大電

童云河圖

云少典妃附寶見大電光繞北斗樞星耀郊野附寶意感而生黃帝於壽丘

大虹

童云大星如虹下流

華諸女節意感而生白帝子即金天氏也

玄鳥

童云商頌天命玄鳥降而生商注云玄鳥鵠也湯之先祖

有娥氏女簡狄配高辛氏生契箋云鵠遺卵簡狄吞之而生契

巨跡

童云詩生民履帝武敏歆箋云高辛

初郊禘之時有大神之

白狼

童云音郎帝王世紀曰有神牽白狼銜鉤入殷朝

白魚

童云董仲舒策引書曰白魚入于王舟注謂今文尚書泰誓之辭謂武王伐紂時有此瑞也

流

火之烏

童云前漢郊祀志曰周得火德有赤烏之符注引尚書中候曰有火自天止于王屋流為赤烏

五至以穀俱來

以為符斯皆詭譎閭誕其可羞也而莫知本于

厥貞漢用天度克懷于有氓登能庸賢濯瘼煦寒

張云瘼音

夷煦呼句切

以瘳以熙茲其為符也而其妄臣乃下取虺蛇

上引天光

童云虺許偉切班彪王命論曰高祖始受命則白蛇分西入關則五星聚

推類號

休

童云號胡刀切後有號同

用夸誣於無知氓增以騶虞

童云上音側鳩切仁

獸也司馬相如封禪書曰圓騶虞之珍羣又神鼎童云武帝

曰般般之獸樂我君圓白質黑章其儀可喜

元鼎元年得寶鼎童云上子勇切下音

汾水上因是改元童云脅毆縱吏勇出西漢衡山王傳俾東

之泰山石閭童云凌如切武帝太初三年夏四月還修

下北南方方士言仙人間也故上親禪焉作大號謂之封禪童云音禮古文

禪者天高而可莫近神靈也皆尚書所無有莽述承效王莽公孫述

者卒奮驚逆其後有賢帝曰光武克綏天下復承舊物皆偽作符命

猶崇赤伏童云光武在長安時同舍生強華自關中奉赤伏符曰劉秀發兵捕不道四夷雲集龍闕

野四七之際火為主羣臣奏曰受命以玷厥德魏晉而

之符人應為大光武因此崇尚符讖

次定四事全書 柳河東集注 十九

下尤亂鉤裂厥符不貞邦用不靖亦罔克久駸乎無以

議為也積大亂至于隋氏環四海以為鼎跨九垓以為

鑪

垺音銀
鑪音鑪

爨以毒燎

張云音了
又力照切

煽以虐焰

煽音扇

其人沸

湧灼爛號呼騰蹈莫有救止於是大聖乃起

唐高祖太宗

丕

降霖雨濬滌盪沃蒸為清氛疏為冷風

冷音霖

人乃謬然

休然

童云謬音聊又音縹

相睇以生相持以成相彌以寧琢斲屠

剔

童云琢丁角切呂刑
剔則桮點疑當從木

膏流節離之禍不作而人乃克

完平舒愉尸其肌膚以達于夷途焚圻抵擄奔走轉死

之害不起

元或作徒

而人乃克鳩類集族歌舞悅澤用祇于

元德徒奮袒呼犒迎義旅謹動六合至于麾下

大將之旗

大

盜豪據阻命遏德義威殄戮咸隆厥緒無劉于虐

劉殺也

人乃並受休嘉去隋氏克歸于唐躑躅謳歌

躑直炎切
踳除玉切

灝灝和寧帝庸威栗惟人之為

去聲

敬奠厥賦積藏于下

是謂豐國鄉為義廩斂發謹飭歲丁大侵

童云如天五穀不熟謂之

大侵見穀梁傳
襄公二十四年

人以有年簡于厥刑不殘而懲是謂嚴

威小屬而支

屬之欲切而汝也謂全其肢體

大生而孥愷悌祇敬用底

于治

一本作理

凡其所欲不謁而獲凡其所惡不祈而息四

夷稽服不作兵革不竭貨力丕揚于後嗣用垂于帝式

十聖濟厥治

謂太宗至憲宗凡十帝

孝仁平寬惟祖之則

祖謂高祖上文

所美者

澤久而逾深

逾一本作愈

仁增而益高人之戴唐永永

無窮是故受命不于天于其人休符不于祥于其仁惟

人之仁匪祥于天匪祥于天茲惟貞符哉未有喪仁而

久者也未有恃祥而壽者也商之王以桑穀昌

童云商大戊時

以雉雉大

童云雉古候切商高宗時

宋之君以法星壽

童云宋景公疾司星子韋

曰熒惑守心心宋之分野君當祭之可移于相公曰相
股肱也除心腹之疾而置之股肱可乎曰可移于民公
曰民所以為國無民何以為君曰可移于歲公曰歲所
以養人也歲不登何以畜人乎子韋曰君善言三熒惑

必退三舍見

鄭以龍衰

童云魯昭公十九年鄭大水龍闕于時門之外消淵

曾以

呂氏春秋

麟弱

童云哀公十四年春西狩獲麟

白雉亡漢

童云漢平帝元始元年春正月越裳氏重譯獻

白雉 黃犀死莽

童云王莽班符命總說曰犛命於新都受瑞於黃支孟康曰犛生犀

惡在其

為符也

惡音鳥

不勝唐德之代光紹明濬深鴻龐大保人

斯無疆宜薦於郊廟文之雅詩祇告于德之休帝曰謚

哉

謚時任切亦作忱

乃黜休祥之奏究貞符之奧思德之所未

大求仁之所未備以極于邦治以敬于人事其詩曰

於穆敬德

一作穆穆敬德

黎人皇之惟貞厥符浩浩將之仁函

于膚刃莫畢屠澤燄于爨

燄一作寒童云音罕又音漢

灋炎以澣

與

沸同

殄厥凶德乃毆乃夷懿其休風是煦是吹

煦反

父子

熙熙相寧以嬉賦徹而藏厚我糗糧

一作糧張云上去年切又邱救切下

音張

刑輕以清我完靡傷貽我子孫百代是康十聖嗣于

治仁后之子子思孝父易患于已

于一本作乎

拱之戴之神

具爾宜載揚于雅承天之嘏

張云音假大也

天之誠神宜鑒于

仁神之曷依宜仁之歸

晏本仁作人

濮沿于北

晏本沿作鉛

祝栗

于南

童云前漢禮樂志房中歌曰四極爰轉師古曰四極四方極遠之處也爾雅曰東至于泰遠西至於

邠國南至於濮沿北至于祝栗謂之四極

幅員西東祇一乃心祝唐之紀後

天罔墜祝皇之壽與地咸乂曷徒祝之心誠篤之神協

人同道以告之

告姑沃切

俾彌億萬年不震不危我代之延

永永毗之仁增以崇曷不爾思有號于天

號音豪

僉曰嗚

呼咨爾皇靈無替厥符

胥山沈晦云吳武陵初敗永州貞符序中宜如唐書去量移二

字諸本作振動靜專唐書無靜字舊本作尸協人同唐書作神協今皆以宋景文公唐書為據

柳河東集注卷一

欽定四庫全書

柳河東集注卷二

宋 童宗說 張敦頤 潘緯 音釋

古賦

佩韋賦 并序

柳子讀古書觀直道守節者則壯之蓋有激也恒懼過

而失中庸之義慕西門氏佩韋以戒

童云韋兩非切西門豹性急故佩韋

以自緩董安于性緩故佩韋以自急韋皮繩喻緩也弦弓弦喻急也見韓子

故作是賦其辭

曰

邈予生此下都兮塊天質之慤醇

慤苦角切

日月迭而化升

兮寤適初而枉神

寤子鳩切

雕大素而生華兮

生一本作成

汨末

流以喪真

汨古忽切

晞往躅而周章兮

周章不決貌躅厨玉切

懔倚伏

其無垠

潘云懔音蒙無知也又母總切心亂也又眉登切懔也又母豆切垠不明也

世既奪

予之大和兮眷授予以經常循聖人之通途兮鬱縱史

而不揚

張云縱子勇切史音勇

猶悉力而究陳兮獲貞則于典章

嫉時以奮節兮憫己以抑志登蒿丘而垂目兮瞰中區

之疆理

瞰苦濫切
下視也

橫萬里而極海兮
頽風浩其四起恟

驚恒而躑躅兮

張云恟許邛切
音山憂恐也

惡浮詐之相詭思貢忠

于明后兮振教導乎遐軌

乎一作之

紛吾守此狂狷兮

童云紛依

楚詞
音楚

懼執競而不柔探先哲之奧謨兮
攀往列之洪休

曰沈潛而剛克兮固讜人之嘉猷
嗟行行而躑躅兮

張云

行並下浪切童云躑
音致路也踏蒲墨切

信往古之所仇彼穹壤之廓殊兮

寒與暑而交修執中而俟命兮
固仁聖之善謀吾祖士

師之直道兮亦愀然於伐國

魯欲伐齊問柳下惠下惠
歸曰吾聞伐國不問仁人

此言何為至於我哉
潘云慙七小切也殘

尼父戮齊而誅卯兮本柔仁以作

極
孔子誅齊僂施戮少正卯

蘭竦顏以誚秦兮入降燕猶臣僕

蘭相如也

秦王引車避燕順降音絳下也蘭音各

吉優繇而布和兮殘荏蒲以屏匿

游吉鄭子太叔也左傳昭公二十年子太叔為政不忍猛而寬鄭國多盜取人于荏苒之澤太叔與徒兵以攻

之盜少止荏音九苒即蒲字繇與由同

劇拔刃於霸侯兮退翦翦而畏服

劇居衛切翦丘弓切敬謹貌魯莊公十三年齊侯始霸與魯會于柯曹劇以己首刼桓公盡歸魯之侵地桓公

許之乃下壇就羣臣之位公羊作曹沫

寬與猛其相濟兮孰不頌茲之盛

德克明哲而保躬兮恢大雅之所勗

子玉切見

陽宅身

然民詩

以執剛兮卒易帥而蒙辜

左傳文公六年晉陽處父以剛晉孤射姑怨陽子之易其

班也使續鞠居穀之

羽愼心以鑿志兮首身離而不懲

童云愼蒲北切又弼

力切狠也蓋音庚又音利項羽既敗自刎而死王翳取其頭五騎各得其一體

雲岳岳而專強

兮果黜志而乖圖

漢朱雲連柱五鹿充宗時人語曰五鹿岳岳朱雲折其角

咸觸屏

以拒訓兮肆殞越而就陵

陳萬年病召其子陳咸教戒於牀下咸睡頭觸屏風萬年

怒後咸以言石顯髡為城旦

治訐諫于昏朝兮名崩弛而陷誅

訐居列切

左傳宣公九年陳洩治諫靈公宣淫孔寧儀行父殺之

苟縱直而不羈兮乃變罹

而禍仍

一作俱

歷九折而直奔兮

九折險坂也

固摧轅而失途

遵大路而曲轍兮又求達而不能廣守柔以允塞兮抵

暴梁而壞節

後漢胡廣曲從梁冀
鴆殺質帝立蠡吾侯

家撝謙而溫美兮脅

子公而喪招

撝與揮同左傳宣公四年鄭子
公謀執靈公子家懼而從之

義師仁而

惡狠兮遂潰騰而滅裂

宋義下令謂項羽狠如狼羽即
帳中新其頸潘云狠下懇切不

聽從

斯委懦以從邪兮悼上蔡其何補

趙高說李斯立
胡亥後乃諧斯

斯出獄謂其子曰吾欲復牽黃犬
出上蔡東門逐狡兔其可得乎

徐偃柔以屏義兮倏

邦離而身虜

周穆王西遊諸侯皆歸徐偃王穆王使楚
伐之偃王不忍鬪其民敗走彭城潘云倏

音柔弘和而却武兮渙宗覆而國舉

柔弘和一作柔
柔知事不可考設

任柔而自處兮蒙大戮而不悟

任柔一作仁柔其事未詳或云縛設諸恐非

故曰純柔純弱兮必削必薄純剛純強兮必喪必亡韜

義于中

韜音叨

服和于躬和以義宣

是本和作利

剛以柔通守

而不遷兮變而無窮交得其宜兮乃獲其終姑佩茲韋

兮考古齊同亂曰

亂理也所以重理一賦之意

韋之申申佩于躬兮

本正生和探厥中兮哲人交修樂有終兮庶寡其過追

古風兮

追一本作進

瓶賦

欽定四庫全書

卷二

東坡云楊子雲酒箴有問無答子厚瓶賦蓋補亡耳子厚以瓶為智幾於信道知命者

昔有智人善學鵠夷

揚雄酒箴云鵠夷滑稽腹大如壺盡日盛酒人復借酤潘云鵠夷脂

切韋囊以盛酒即今鵠夷牌也

鵠夷蒙鴻

潘云二字並上聲漢書注云廣大貌

嚶嚶相追

嚶字當作嚶音驚也一本作聾音假搏名

諂誘吉士喜悅依隨開喙倒腹

喙吁穢切口也

斟酌更持味不苦口昏至莫知頽然縱傲與亂

為期視白成黑顛倒妍媸

上倪堅切美好也下音蚩疵也

己雖自售人

或以危敗衆亡國流連不歸誰主斯罪鵠夷之為不如

為瓶居井之眉

童云前漢酒箴注云眉井邊也若人目上之有眉作酒者非

鈎深挹

潔淡泊是師和齊五味

和胡卧切齊才指切調和也

寧除渴飢不甘

不壞火而莫遺清白可鑒終不媚私利澤廣大孰能去

之綆絕身破

綆音鯁井索

何足怨咨功成事遂復於土泥歸

根反初無慮無思何必巧曲傲觀一時

張云傲古堯切求也觀音莫

子無我愚我智如斯

晁无咎曰昔楊雄作酒箴謂鴟夷盛酒而瓶藏水酒甘以喻小人水

淡以比君子故鴟夷以親近託車而瓶以疏遠居井而羸此雄欲同塵于皆醉者之詞也故子厚復正論以反之以謂寧為瓶之潔以病已无為鴟夷之旨以愚人蓋更相明也

牛賦

東坡云嶺外俗皆怙殺牛海南為甚乃
書子厚牛賦遺瓊州僧道贊使曉諭之

若知牛乎牛之為物魁形巨首垂耳抱角毛草疎厚牢

然而鳴黃鍾滿脰

音豆
項也

抵觸隆曦日耕百畝往來修直

植乃禾黍自種自歛服箱以走

車上盛物
處以箱

輸入官倉已

不適口富窮飽飢功用不有陷泥履塊常在草野人不

慙愧利滿天下皮角見用肩尻莫保

尻苦刀切
說文靡也

或穿絨

滕或實俎豆由是觀之物無踰者不如羸驢服逐駑馬

曲意隨勢不擇處所不耕不駕藿菽自與

藿豆葉
菽大豆

騰踏

康莊

爾雅道五達謂之康六達謂之莊

出入輕舉喜則齊鼻怒則奮躑

當道長鳴聞者驚辟

辟平亦切項羽叱楊喜人馬俱驚辟易數里謂開張而易其本處

善識門戶終身不惕牛雖有功於己何益命有好醜非若能力慎勿怨尤以受多福

解崇賦

并序

柳子既謫猶懼不勝其口筮以玄過干之八其贊曰赤

舌燒城吐水于瓶其測曰君子解崇也

太玄經注允為口舌八為木木

生火火中之舌故赤也赤舌所敗若火燒城金生水故吐水也水滅于火雖有傾城之害以水拒之災無由至

矣崇音遠
神禍也

喜而為之賦

胡赫炎薰燭之烈火兮

燭虛嬌呼酷呼
各三切炎氣也

而生夫人之齒

牙上彈飛而莫遁

彈音單極也
遁徒固切

旁窮走而逾加九泉焦

枯而四海滲涸兮

滲所禁切
涸音鶴

紛揮霍而要遮風雷號號

以為素簫兮

號呼文切一作
號又古伯切

回祿煽怒而喊呀

童云上
呼咸切

下虛 牙切 炖堪輿為甌鏃兮

童云堪輿天地也炖他昆切火
盛貌甌士蹇切而屬鏃五到切

燒器也潘云甌語蹇切先
底亂也又魚軒魚戰二切

熱雲漢而成霞

張云熱儒
劣切焚也

鄧

林大椿不足以充於燎兮

一先
於字

倒扶桑落棠膠輶而相

义

韜音葛靈光殿賦云韜韜无垠廣大貌東京賦鉞戰轆韜雜亂貌

膏搖脣而增熾兮

燭掉舌而彌葩沃無瓶兮撲無篲

篲旋芮切又徐醉切

金流玉鏢

兮曾不自比于塵沙獨淒已而燠物愈騰沸而骸斷

骸丘

交切一作骸童云骸苦交切脚腰也斷容牙切大齧也

吾懼夫灼爛灰滅之為禍

往搜乎太玄之奧訟衆正訴羣邪曰去爾中躁與外撓

姑務清為室而靜為家苟能是則始也汝邇今也汝遐

涼汝者進烈汝者賒譬之猶豁天淵而覆原燎夫何長

喙之紛拏今汝不知清已之慮而惡人之譁不知靜之

為勝而動焉是嘉徒遑遑乎狂奔而西僊

一作索

盛氣而

長嗟不亦遠乎於是釋然自得以冷風濯熱以清源滌

瑕履仁之實去盜之夸冠太清之玄冕佩至道之瑤華

鋪沖虛以為席駕恬泊以為車濯乎以遊於萬物者始

童云瀏力周切
深貌又音柳

彼祖雌倏施而以崇為利者夫何為邪

懲咎賦

唐書本傳載此賦曰宗元不得
召內閣悼悔念往咎作賦自懲

懲咎愆以本始兮孰非余心之所求處卑汙以閔世兮

固前志之為尤始予學而觀古今怪今昔之異謀惟聰
明為可考兮追駿步而遐遊潔誠之既信直兮仁友藹
而萃之日施陳以繫縻兮

繫縻一本
作擊摩

邀堯舜與之為師

上睢盱而混茫兮

雖火規切盱音吁
荒忽不可考信也

下駁詭而懷私旁

羅列以交貫兮求大中之所宜曰道有象兮而無其形
推變乘時兮與志相迎不及則殆兮過則失貞謹守而
中兮與時偕行萬類芸芸兮率由以寧剛柔弛張兮出
入綸經登能抑枉兮白黑濁清蹈乎大方兮物莫能嬰

奉訏謨以植內兮欣余志之有獲再徵信乎策書兮謂

炯然而不惑

炯戶頂切光也一本作耿

愚者果於自用兮惟懼夫誠

之不一不顧慮以周圖兮專茲道以為服讒妬構而不

戒兮猶斷斷於所執

斷丁亂切

哀吾黨之不淑兮

謂劉禹錫等

遭

任遇之卒迫

卒與粹同

勢危疑而多詐兮逢天地之否隔欲

圖退而保己兮悼乖期乎曩昔欲操術以致忠兮衆呀

然而互嚇

呀虛牙切互一本作予嚇音赫怒而拒物聲

進與退吾無歸兮甘

脂潤乎鼎鑊

音穫

幸皇鑒之明宥兮纍郡印而南適

纍力追切

子厚初貶
邵州刺史

惟罪大而寵厚兮宜夫重仍乎禍譴

子厚再
貶永州

司馬

既明懼乎天討兮又幽慄乎鬼責惶惶乎夜寤而晝

駭兮類磨磨之不息

童云磨九筠切磨也或從困
從禾磨音加牡鹿也本作廣

凌洞

庭之洋洋兮沂湘流之汙汙飄風擊以揚波兮舟摧抑

而迴遭日霾曠以昧幽兮

童云霾莫詣切曠音翳爾雅
曰風而雨土為霾釋名曰霾

晦也詩終風注
曰陰而風曰曠

黯雲涌而上屯

黯於糾切青黑
色一本作玄雲

暮屑宰

以淫雨兮

寧蘇
骨切

聽噉噉之哀猿衆鳥萃而啾號兮沸洲

渚以連山漂遙逐其詎止兮逝莫屬余之形魂攢鬱奔

以紆委兮

張云應音驚小山上銳曰應

東洶湧之崩湍畔尺進而尋

退兮盪洄汨乎淪連

童云汨音骨又趙筆切

際窮冬而止居兮羈

累焚以縈纏

焚扶分切

哀吾生之孔艱兮循凱風之悲詩罪

通天而降酷兮不亟死而生為

元和九年母盧氏卒於永州

逾再歲

之寒暑兮猶貿貿而自持

貿音茂昏也

將沉淵而殞命兮詎

蔽罪以塞禍惟滅身而無後兮顧前志猶未可進路呀

以劃絕兮

劃忽來切又音畫

退伏匿又不果為孤囚以終世兮

長拘繫而輒軻

軻二坎可音

累余志之脩騫兮

騫晏本作騫

今何為

此戾也夫豈貪食而盜名兮不混同於世也將顯身以
直遂兮衆之所宜蔽也不擇言以危肆兮固羣禍之際
也御長轅之無撓兮行九折之戔戔却驚棹以橫江兮
沂凌天之騰波幸余死之已緩兮完形軀之既多苟餘
齒之有懲兮蹈前烈而不頗音坡死蠻夷固吾所兮雖顯
寵其焉加配大中以爲偶兮諒天命之謂何晁无咎曰子厚寬斥
崎嶇蠻瘴間堙厄感鬱一寓于文爲離騷數十篇懲
咎者悔志也後之君子欲成人之美者讀而悲之

閔生賦

閔吾生之險阨兮紛喪志以逢尤氣沈鬱以杳眇兮涕

浪浪而常流

浪力唐切流貌

膏液竭而枯居兮魄離散而遠遊

言不信而莫余白兮雖遑遑欲馬求合喙而隱志兮幽

默以待靜為與世而斥謬兮固離披以顛隕騏驥之棄

辱兮驚駘以為騁

一作晒

玄虬蹶泥兮畏避鼃黽

上與蛙同下武

幸切蛙屬一本作蛙蜃

行不容之崢嶸兮

崢助耕切嶸音宏

質魁壘而無

所隱

魁口賄切壘音磊前漢鮑宣傳魁壘之士服虔曰壯貌也

鱗介槁以橫陸兮鵠

嘯羣而厲叻

叻武粉切口邊

心沈抑以不舒兮形低摧而自慙

肆余目於湘流兮望九疑之垠垠

銀音

波淫淫以不返兮

蒼梧鬱其蜚雲重華幽而野死兮世莫得其偽真

汲冢書云

禹逐舜終于蒼梧之野

屈子之悄微兮抗危辭以赴淵

悄規緣切謂屈原

古固有此極憤兮矧吾生之藐艱

藐音眇

列往則以考已

兮指斗極以自陳登高岳而企踵兮

岳魚咸切

瞻故邦之殷

鞿

上音隱下音隣又乘忍切言盛多

山水浩以蔽虧兮路蕭勃以揚氛

蕭鳥孔切

空廬顏而不理兮翳丘木之榛榛塊窮老以淪放

兮匪魑魅吾誰鄰

魑丑知切魃音麻

仲尼之不惑兮有垂訓之

謬言孟軻四十乃始持心兮猶希勇于黜責

謂北宮黜孟賁也下

音奔顧余質愚而齒減兮宜觸禍以貼身

張云貼音鹽壁危也

知徙

善而草非兮又何懼乎今之人噫禹績之勤脩兮曾莫

理夫茲川殷周之廓大兮南不盡夫衡山余囚楚越之

交極兮邈離絕乎中原壤汙潦以墳洳兮

潦魯浩朗到二切洳如居

切蒸沸熱而恒昏戲鳬鵲乎中庭兮蒹葭生於堂筵雄

虺蓄形於木杪兮短狐伺景於深淵

景即影字虺短狐也一名射工長一

二寸口中有弩形射人影不治則殺人狐字一本作狐

仰矜危而俯慄兮弭日夜

之拳孿慮吾生之莫保兮忝代德之元醇孰眇軀之敢
愛兮竊有繼乎古先明神之不欺余兮庶激烈而有聞
冀後害之無辱兮匪徒盖乎曩愆

夢歸賦

罹擯斥以窘束兮余惟夢之為歸精氣注以凝沍兮

張云

沍音互水凝也莊子曰河漢沍而不能寒

循舊鄉而顧懷夕余寐于荒陬兮

心慊慊而莫違

慊苦箴切恨也

質舒解以自恣兮息悒翳

而愈微

悒伊淫切

歛騰湧而上浮兮

張云歛許勿切暴起也說文有所吹起諸韻檢

尋先從三火者杜子美虎牙行秋風款吸吹南國文選
江淹詩款吸鷗雞悲諸家多用從二火字莊子釋音第

一卷朝菌注下云款生芝也後漢張平子思立賦款神
化而蟬蛻兮並作况物許物二切云疾貌惟此字從三

火

俄滉漾之無依

滉力廣切
漾余掌切

圓方混而不形兮顚醇白

之霏霏上茫茫而無星辰兮下不見夫水陸

水一本
作川

若

有鉢余以往路兮

鉢音述當依
晏本作鉢

馭儼儼以回復

童云儼
音擬惑

也浮雲縱以直度兮云濟余乎西北風纚纚以經耳兮

纚所
滿切

類行舟迅而不息洞然于以瀾漫兮

漫模
官切

虹蜺羅

列而傾側橫衝颺以盪擊兮忽中斷而迷惑靈幽漠以

澗汨兮

靈一本作零而童云澗仄
瑟切汨趙筆切水流貌

進怡悵而不得

怡教
駢切

白日邈其中出兮陰霾披離以泮

釋

童云霾音埋
風雨土也

施岳

瀆以定位兮年參差之白黑

牙即
互字

忽崩蹇上下兮

晏本
崩蹇

翔以上下
以徊徨兮

聊按行而自抑

行一本
作衍

指故都以委墜兮瞰

鄉閭之脩直原田蕪穢兮崢嶸榛棘喬木摧解兮垣廬

不飾山嵎嵎以崑立兮

嵎牛俱切
山高貌

水汨汨以漂激

汨音
骨又

越必切

魂恍惘若有亡兮

恍音恍惘
也惘音罔

涕汪洋以隕軾

浪音
郎

類矐黃之駢漠兮

駢音揜果
實黑壞貌

欲周流而無所極紛若喜

而伯儼兮

馬融笛賦伯儼寬容伯儼音毅韻音擬

心回互以壅塞

互音獲俗

作互鐘鼓惶以戒旦兮

惶音橫

陶去幽而開寤曾尉蒙其復

體兮

童云曾音曾尉音尉魚網也復一本作後

孰云桎梏之不固

桎音質手械也梏姑

沃切足械也

精神之不可再兮余無蹈夫歸路偉仲尼之聖

德兮謂九夷之可居

童云協韻去聲

惟道大而無所入兮猶流

游乎曠野

一本作聖

老聃遁而適戎兮指溥茫以縱步蒙莊

之恢怪兮寓大鵬之遠去

莊子蒙人也嘗為蒙漆園吏鵬之一本作冀而

苟遠

適之若茲兮胡為故國之為慕首丘之仁類兮

首去聲禮記云

狐死正丘首

斯君子之所譽鳥獸之鳴號兮

號去聲出禮記三年問篇

有

動心而曲顧膠余衷之莫能捨兮雖判析而不悟列茲夢以三復兮極明昏而告慙

囚山賦

楚越之郊環萬山兮勢騰踊夫波濤紛對迴合仰伏以

離迥兮

迥音列又音例遮也

若重墉之相褒爭生角逐上軼旁出

兮

軼迭佚二音

其下圻裂而為壕

音豪壑也

欣下顏以就順兮曾

不畝平而又高沓雲雨而漬厚土兮

張云沓達合切合也漬疾智切漚物

也蒸鬱勃其腥臊

腥音星臊蘇曹切周禮辨腥臊羶香之不可食者

陽不舒以

擁隔兮羣陰汙而為曹

汙胡固切與汙同固寒也曹耦也

側耕危穫苟

以食兮哀斯民之增勞

斯民一本作下民一本作小人

積林麓以為叢

棘兮

積一本作攢張云麓音鹿山足曰麓易疏云叢棘謂因執之處

虎豹咆嘯代狴牢

之吠皞

咆音庖嘯虎檻切虎豹聲也狴音陞獄別名皞音豪

予胡井眚以管視兮

一本无予字井作殞井音烏九切目无明也出左宣十二年

窮坎險其焉逃顧幽昧

之罪加兮雖聖猶病夫嗷嗷匪兕吾為柙兮匪豕吾為

牢積十年莫吾省者兮增蔽吾以蓬蒿聖日以理兮賢

日以進誰使吾山之囚吾兮滔滔

見无咎曰仁者樂山自昔達人

有樊籠者矣未聞以山林為樊籠也宋元謫南海又厭山不可得而出朝市不可得而復丘壑草木之可愛者

皆臨窅也故賦曰山

愈膏肓疾賦

音荒

晏相於此賦親書云膚淺非柳文宜去之或曰公少作也

景公夢疾膏肓

左傳成公十年晉景公事

尚謂虛假命秦緩以候問

遂伏身于堂下

伏身一作俯伏

公曰吾今形體不衰筋力未寡

子言其有疾者何也秦緩乃窮神極思曰夫上醫療未

萌之兆中醫攻有兆之者目定死生心存取舍亦猶卜

和獻含璞之璧伯樂相有孕之馬然臣之遇疾如泥之

處埏

張云埏戶延切地有八埏又和土也

疾之遇臣如金之在冶雖九竅

未攤四支且安膚腠營胃

滕音湊營胃一本作脘胃

外強中乾精氣

內傷神沮脉殫以熱益熱以寒益寒針灸不達誠死之

端巫新麥以為讖果不得其所餐

桑田巫也出左傳成公十年

公曰

固知天賦性命知彼暄寒短不足悲脩不足歡哂彼醫

兮徒精厥術如何為之可觀醫乃勃然變色攘袂而起

子無讓我我謂於子我之技也如石投水如弦激矢視
生則生視死則死膏肓之疾不救衰亡之國不理巨川
將潰非捧土之能塞大厦將崩非一木之能止斯言足
以喻大子今察乎孰是爰有忠臣聞之憤怒忘寢廢食
擗標感歎

擗音闕標
婢小切

生死浩浩天地漫漫綏之則壽撓

之則散善養命者鮐背鶴髮成童兒

鮐音台魚名也
老人背有鮐文

善

輔弼者殷辛夏桀為周漢

殷辛
紂也

非藥曷以愈疾非兵胡

以定亂喪亡之國在賢哲之所扶匡而忠義之心豈膏

育之所羈絆

音半

余能理亡國之利弊

利五官切刺也

愈膏育之

患難君謂之何以醫曰夫八紘之外

紘音宏

六合之中始

自生靈及乎昆蟲神安則存神喪則終亦猶道之紊也

患出於邪佞身之憊也

憊蒲拜切

疾生於火風彼膏育之與

顛覆匪藥石而能攻者哉因此而言曰予今變禍為福

易曲成直寧闕天命在我人力以忠孝為干櫓以信義

為封殖拯厥兆庶綏乎社稷一言而熒惑退舍

宋景公事詳見

貞符注

一揮而義和匪旻

義和日御也魯陽公與韓戰酣日暮援戈而揮之日為之反三

舍出淮
南子

桑穀生庭而自滅野雉雉鼎而自息

雖古候切
事並見貞

符注

誠天地之無親曷膏肓之能極醫者遂口噤心醉

巨噤

京切

跼歛茫然

跼音

投棄針石匍匐而前

匍扶蒲二音匍
音伏又蒲運切

吾謂治國在天子謂治國在賢

治一本
作活

吾謂命不可續

子謂命將可延詎知國不足理疾不足痊佐荒淫為聖
主保天壽而長年皆正直之是與庶將來之勉旃



柳河東集注卷二

欽定四庫全書

集部

柳河東集注卷三八至

詳校官內閣學士臣瑞保

檢討臣何思鈞覆勘

總校官進士 臣朱鈴

校對官編修 臣馮敏昌

謄錄監生 臣方祖益

欽定四庫全書

柳河東集注卷三

宋 童宗說 張敦頤 潘緯 音釋

論

封建論

天地果無初乎吾不得而知之也生人果有初乎吾不
得而知之也然則孰為近曰有初為近孰明之由封建
而明之也彼封建者更古聖王堯舜禹湯文武而莫能

去之蓋非不欲去之也勢不可也勢之來

一本下有則字

其生

人之初乎不初無以有封建封建非聖人意也彼其初

與萬物皆生草木榛榛

側僂切文選注云聚貌

鹿豕狂狂

音丕狂子曰狂

潘云衆貌

人不能搏噬

音博

而且無毛羽莫克自奉自衛苟

卿有言必將假物以為用者也夫假物者必爭爭而不

已必就其能斷曲直者而聽命焉其智而明者所伏必

衆告之以直而不改必痛之而後畏由是君長刑政生

焉故近者聚而為羣羣之分其爭必大大而後有兵有

德又有大者衆羣之長又就而聽命焉以安其屬於是

有諸侯之列則其爭又有大者焉德又大者

一本又字下有有字

下同諸侯之列又就而聽命焉以安其封於是有方伯連

帥之類則其爭又有大者焉德又大者方伯連帥之類

又就而聽命以安其人然後天下會於一是故有里胥

而後有縣大夫有縣大夫而後有諸侯有諸侯而後有

方伯連帥有方伯連帥而後有天子自天子至於里胥

其德在人者死必求其嗣而奉之故封建非聖人意也

勢也夫堯舜禹湯之事遠矣及有周而甚詳周有天下

裂土田而瓜分之設五等邦羣后布履星羅

履一本作獲

四

周于天下輪運而輻集合為朝覲會同離為守臣扞城

守舒救切扞音干詩公侯干城

然而降于夷王害禮傷尊下堂而迎覲

者

禮記郊特牲篇下堂而見諸侯天子之失禮也由夷王以下

歷于宣王挾中興復

古之德雄南征北伐之威卒不能定魯侯之嗣

魯武公以二子

括與戲見宣王王立戲仲山甫諫不聽魯公卒國人殺戲而立括出國語

陵夷迄於幽厲王

室東徙而自列為諸侯

一本下有笑字

厥後問鼎之輕重者有

之

左傳宣公三年楚莊王問鼎之大小輕重杜預注云示欲偏周取天下

射王中肩者有

之

左傳桓公五年鄭祝聘射周王中肩

伐凡伯誅萇弘者有之

萇音長左傳隱七年

戎伐凡伯于楚丘又哀三年周人殺萇弘

天下乖盪

音庚

無君君之心余以為

周之喪久矣徒建空名於公侯之上耳得非諸侯之盛

強末大不掉之咎歟

掉徒弔切尾大不掉

遂判為十二

史記十二諸侯年表

謂魯齊晉秦楚宋衛陳蔡曹鄭燕

合為七國

合一本作吞謂秦楚燕齊韓魏趙

威分于

陪臣之邦

謂田氏篡齊韓魏趙分晉

國殄于後封之秦

秦伯益之後其末孫非子

周恭王封為附庸及秦仲之孫襄公救周周室東遷始列為諸侯

則周之敗端其在乎

此矣秦有天下裂都會而為之郡邑廢侯衛而為之守
宰據天下之雄圖都六合之上游攝制四海運於掌握
之內此其所以為得也不數載而天下大壞其有由矣

一本无
其字

亟役萬人暴其威刑竭其貨賄負鋤梃謫戍之

徒

陳勝吳
廣等

圍視而合從

子容切

大呼而成羣時則有叛人

而無叛吏人怨于下而吏畏于上天下相合殺守劫令
而並起咎在人怨非郡邑之制失也漢有天下矯秦之
枉徇周之制剖海內而立宗子封功臣數年之間奔命

扶傷而不暇

而一本作之

困平城

高祖七年

病流矢

高祖十二年擊黠布為流

矢所中國病而崩

陵遲不救者三代後乃謀臣獻畫而離削自

守矣

武帝時主父偃請分王國封其子弟而侯國遂弱

然而封建之始郡國居

半時則有叛國而無叛郡秦制之得亦以明矣繼漢而

帝者雖百代可知也唐興制州邑立守宰此其所以為

宜也然猶桀猾時起虐害方域者失不在於州而在於

兵時則有叛將而無叛州

叛將謂藩鎮節度使

州縣之設固不可

革也或者曰封建者必私其土子其人適其俗修其理

施化易也守宰者苟其心思遷其秩而已何能理乎

理一

作治

余又非之周之事跡斷可見矣列侯驕盈黷貨事戎

黷音讀事戎謂用兵

大凡亂國多理國寡侯伯不得變其政天子

不得變其君私土子人者百不有一失在於制不在于

政周事然也秦之事跡亦斷可見矣有理人之制而不

委郡邑是矣有理人之臣而不使守宰是矣郡邑不得

正其制守宰不得行其理酷刑苦役而萬人側目失在

於政不在於制秦事然也漢興天子之政行于郡不行

於國制其守宰不制其侯王侯王雖亂不可變也國人
雖病不可除也及夫大逆不道然後掩捕而遷之勒兵
而夷之耳大逆未彰姦利浚財怙勢作威大刻于民者
無如之何及夫郡邑可謂理且安矣何以言之且漢知

孟舒於田叔得魏尚於馮唐

孟舒魏尚
並守雲中

聞黃霸之明審

潁川
守

覲汲黯之簡靖

淮陽
太守

拜之可也復其位可也卧而

委之以輯一方可也有罪得以黜有能得以賞朝拜而
不道夕斥之矣夕受而不法朝斥之矣設使漢室盡城

邑而侯王之縱令其亂人戚之而已孟舒魏尚之術莫得而施黃霸汲黯之化莫得而行明譴而導之拜受而

退已違矣

一本違矣上有斯必二字

下令而削之締交合從之謀

丁締

計切從將容切

周於同列則相顧裂眦

眦亦作眦疾智切目匡也

勃然而起

幸而不起則削其半削其半民猶瘁矣曷若舉而移之

以全其人乎漢事然也今國家盡制郡邑連置守宰其

不可變也固矣善制兵謹擇守則理平矣或者又曰夏

商周漢封建而延秦郡邑而促尤非所謂知理者也魏

之承漢也封爵猶建晉之承魏也因循不革而二姓陵
替不聞延祚今矯而變之垂二百祀大業彌固何繫於
諸侯哉或者又以為殷周聖王也而不革其制固不當
復議也是大不然夫殷周之不革者是不得已也蓋以
諸侯歸殷者三千焉資以黜夏湯不得而廢歸周者八
百焉資以勝殷武王不得而易徇之以為安仍之以為
俗湯武之所不得已也夫不得已非公之大者也私其
力於己也私其衛於子孫也秦之所以革之者其為制

公之大者也其情私也私其一己之威也私其盡臣畜
於我也然而公天下之端自秦始夫天下之道理安斯
得人者也使賢者居上不肖者居下而後可以理安今
夫封建者繼世而理繼世而理者上果賢乎下果不肖
乎則生人之理亂未可知也將欲利其社稷以一其人
之視聽則又有世大夫世食祿邑以盡其封略聖賢生
于其時亦無以立於天下封建者為之也豈聖人之制
使至於是乎吾固曰非聖人之意也勢也

四維論

管子以禮義廉恥為四維

見管子
牧民篇

吾疑非管子之言也

彼所謂廉者曰不蔽惡也世人之命廉者曰不苟得也
所謂恥者曰不從枉也世人之命恥者曰羞為非也然
則二者果義歟非歟吾見其有二維未見其所以為四
也夫不蔽惡者豈不以蔽惡為不義而去之乎夫不苟
得者豈不以苟得為不義而不為乎雖不從枉與羞為
非皆然然則廉與恥義之小節也不得與義抗而為維

聖人之所以立天下曰仁義仁主恩義主斷恩者親之
斷者宜之而理道畢矣蹈之斯為道得之斯為德履之
斯為禮誠之斯為信皆由其所之而異名今管氏所以
為維者殆非聖人之所立乎又曰一維絕則傾二維絕
則危三維絕則覆四維絕則滅若義之絕則廉與恥其
果存乎廉與恥存則義果絕乎人既蔽惡矣苟得矣
作而從枉矣為非而無羞矣則義果存乎使管子庸人也
則為此言管子而少知理道則四維者非管子之言也

天爵論

柳子曰仁義忠信先儒名以為天爵

見孟子

未之盡也夫

天之貴斯人也則付剛健純粹於其躬倬為至靈

倬音卓

大者聖神其次賢能所謂貴也剛健之氣鍾於人也為

志得之者運行而可大悠久而不息拳拳於得善孜孜

於嗜學則志者其一端耳純粹之氣注於人也為明得

之者與達而先覺鑒照而無隱眊眊於獨見

眊音諄

淵淵

於默識則明者又其一端耳明離為天之用恒久為天

欽定四庫全書

卷三
河東集

之道舉斯二者人倫之要盡是焉故善言天爵者不必
在道德忠信明與志而已矣道德之於人猶陰陽之於
天也仁義忠信猶春夏秋冬夏也舉明離之用運恒久之
道所以成四時而行陰陽也宣無隱之明著不息之志
所以備四美而富道德也故人有好學不倦而迷其道
撓其志者撓女巧切撓也明之不至耳有照物無遺而蕩其性
脫其守者志之不至耳明以鑒之志以取之役用其道
德之本舒布其五常之質充之而彌六合播之而奮百

代聖賢之事也然則聖賢之異愚也職此而已使仲尼
之志之明可得而奪則庸夫矣授之於庸夫則仲尼矣
若乃明之遠邇志之恒久庸非天爵之有級哉故聖人
曰敏以求之明之謂也為之不厭志之謂也道德與五
常存乎人者也克明而有常受於天者也嗚呼後之學
者盡力於所及焉一本所字
上有斯字或曰子所謂天付之者若
開府庫焉量而與之耶曰否其各合乎氣者也莊周言
天曰自然吾取之

守道論

或問曰守道不如守官

出左傳昭公十九年

何如對曰是非聖人

之言傳之者誤也官也者道之器也離之非也未有守

官而失道守道而失官之事者

一有也字

是固非聖人言乃

傳之者誤也

一無乃字

夫皮冠者是虞人之物也物者道之

準也守其物由其準而後其道存焉苟舍之是失道也

凡聖人之所以為經紀為名物無非道者命之曰官官

是以行吾道云爾

官是一本作命是

是故立之君臣官府衣裳

輿馬章綬之數會朝表著周旋行列之等

行音航左昭
十一年注朝

內列位常處
謂之表著

是道之所存也則又示之典命書制符璽

奏復之文參伍殷輔陪臺之役

周禮太宰注參謂卿三
人伍謂大夫五人殷衆

也謂衆士輔府史庶人在
官者陪臺出左昭公七年

是道之所由也則又勸之以

爵祿慶賞之美懲之以黜遠鞭扑梏拲斬殺之慘

遠去
聲扑

普卜切擊也字從手楷居沃切手
械也拳居悚居玉二切兩手共械

是道之所行也故自

天子至于庶民咸守其經分

扶問切

而無有失道者和之

至也失其物去其準道從而喪矣易其小者而大者亦

從而喪矣古者居其位思死其官可易而失之哉禮記

曰道合則服從不合則去

禮記內則篇

孟子曰有官守者不

得其職則去然則失其道而居其官者古之人不與也

是故在上不為抗在下不為損矢人者不為不仁函人

者不為仁率其職司其局交相致以全其工也

工一本作公

易位而處各安其分而道達于天下也

一本作矣

且夫官所

以行道也而曰守道不如守官蓋亦喪其本矣未有守

官而失道守道而失官之事者也

一本無之事字

是非聖人之

言傳之者誤也果矣

時令論上

論禮記
月令

呂氏春秋十二紀漢儒論以為月令措諸禮以為大法
焉其言有十二月七十有二候迎日步氣以追寒暑之
序類其物宜而逆為之備聖人之作也然而聖人之道
不窮異以為神不引天以為高利於人備於事如斯而
已矣觀月令之說苟以合五事配五行而施其政令離
聖人之道不亦遠乎凡政令之作有俟時而行之者有

欽定四庫全書

卷三

不俟時而行之者是故孟春修封疆端徑術

上古定切下音遂出

禮記

相土宜無聚大衆季春利堤防達溝瀆止田獵備蠶

器合牛馬百工無悖於時孟夏無起土功無發大衆勸

農勉作仲夏班馬政聚百藥季夏行水殺草糞田疇美

土疆土功兵事不作孟秋納材葦仲秋勸人種麥季秋

休百工人皆入室具衣裘舉五穀之要合秩芻養犧牲

趨人收歛

趨遠遇切疾也一音促

務蓄菜伐薪為炭孟冬築城郭

穿竇窖

音豆

修囷倉

國區倫切圓廩

謹蓋藏勞農以休息之

勞郎

切到收水澤之賦仲冬伐木取竹箭季冬講武習射御出

五穀種計耦耕具田器合諸侯制百縣輕重之法貢賦之數斯固俟時而行之所謂敬授人時者也其餘郊廟

百祀亦古之遺典不可以廢誠使古之為政者非春無

以布德和令行慶施惠養幼少省囹圄

省息井切察也
囹圄音零語獄

也賜貧窮禮賢者非夏無以贊傑俊遂賢良舉長大行

爵出祿斷薄刑決小罪節嗜慾靜百官非秋無以選士

勵兵任有功誅暴慢明好惡修法制養衰老申嚴百刑

斬殺必當

丁浪切

非冬無以賞死事恤孤寡舉阿黨易關

市

易去聲

來商旅審門閭正貴戚近習罷官之無事者去

器之無用者則其闕政亦以繁矣斯固不俟時而行之

者也變天之道絕地之理亂人之紀舍孟春則可以有

事乎作淫巧以蕩上心舍季春則可以為之者乎夫如

是內不可以納於君心外不可以施於人事勿書之可

也又曰反時令則有飄風暴雨霜雪水潦大旱沈陰氛

霧寒暖之氣大疫風欬嗽嚏瘡寒疥癘之疾

欬音求月切

今云人多艱難說文病寒
鼻塞也曉丁計切鼻解氣螟蝗五穀爪齧果實不成蓬

蒿藜莠並興之異女災胎夭傷水火之訛

天烏老切

寇戎來

入相掠

力灼切又音諒奪也

兵革並起道路不通邊境不寧土地

分裂四鄙入堡流亡遷徙之變若是者特瞽史之語非
出於聖人者也然則夏后周公之典逸矣

時令論下

或者曰月令之作所以為君人者法也蓋非為聰明睿
智者為之將慮後代有昏昧傲誕而肆於人上忽先王

之典舉而廢之近而取之若陳隋之季是也故取仁義禮智信之事附于時令俾時至而有以發之也不為之

一有時字

將因循放蕩而皆無其意焉爾於是又為之言五

行之反戾相蕩相摩妖災之說以震動于厥心古之所以防昏亂之術也今子發而揚之使前人之奧祕布露顯明則後之人而又何憚耶曰聖人之為教立中道以示于後曰仁曰義曰禮曰智曰信謂之五常言可以常行者也

一本行字下有之字

防昏亂之術為之勤勤然書於方冊

興亡治亂之致永守是而不去也未聞其威之以怪而使之時而為善所以滋其怠傲而忘理也語怪而威之

所以熾其昏邪淫惑而為禱禳厭勝鬼怪之事以大亂

于人也

厭一涉切塞也

且吾子以為畏冊書之多孰與畏人之

言使譌譌者言仁義利害焯乎列于其前而猶不悟

焯音

灼明也

奚暇顧月令哉是故聖人為大經以存其直道將

以遺後世之君臣必言其中正而去其奇袤

上居宜切下與邪字

同二字出禮記

其有嚚然而不顧者雖聖人復生無如之何又

何冊書之有若陳隋之季暴戾淫放則無不為矣求之二史豈復有行月令之事者乎然而其臣可勁悍者爭而與之言先王之道猶十百而一遂焉然則月令之無益於陳隋亦固矣立大中去大惑捨是而曰聖人之道吾未信也用吾子之說罪我者雖窮萬世吾無憾焉爾

斷刑論上

關

斷刑論下

余既為斷刑論

斷都
玩切

或者以釋刑復於余其辭云云余

不得已而為之一言焉夫聖人之為賞罰者非他所以

懲勸者也賞務速而後有勸罰務速而後有懲必曰賞

以春夏而刑以秋冬

出左傳襄公二十六年

而謂之至理者偽也

使秋為善者

一本秋下有冬字

必俟春夏而後賞則為善者必

怠春為不善者

一本春下有夏字

必俟秋冬而後罰則為不善

者必懈為善者怠為不善者懈是毆天下之人而入於

罪也

毆音區下同

毆天下之人入于罪又緩而慢之以滋其

懈怠此刑所以不措也

一本刑下有之字

必使為善者不越月

踰時而得其賞則人勇而有勸焉為不善者不越月踰時而得其罰則人懼而有懲焉為善者日以有勸為不善者日以有懲是毆天下之人而從善遠罪也毆天下之人而從善遠罪是刑之所以措而化之所以成也或者務言天而不言人是惑於道者也胡不謀之人心以熟吾道吾道之盡而人化乎

一作矣

是知蒼蒼者焉能與

吾事而暇知之哉果以為天時之可得順大和之可得致則全吾道而得之矣全吾道而不得者非所謂天也

非所謂大和也是亦必無而已矣又何必枉吾之道曲

順其時以諂是物哉吾固知順時之得天不如順人順

道之得天也何也使犯死者自春而窮其辭欲死不可

得貫三木

三木謂項手足皆有械

加連鎖而致之獄更大暑者數

月

更平聲一本作吏

痒不得搔痺不得搖

痺必至切足氣不至病

痛不得

摩飢不得時而食渴不得時而飲目不得瞑

莫定切

支不

得舒怨號之聲

怨音冤號平聲

聞於里人如是而大和之不傷

天時之不逆是亦必無而已矣彼其所宜得者死而已

也又若是焉何哉或者乃以為雪霜者天之經也雷霆者天之權也非常之罪不時可以殺人之權也當刑者必順時而殺人之經也是又不然夫雷霆雪霜者特一氣耳非有心於物者也聖人有心於物者也春夏之有雷霆也或發而震破巨石裂大木木石豈為非常之罪也哉秋冬之有霜雪也舉草木而殘之草木豈有非常之罪也哉彼豈有懲於物也哉彼無所懲則效之者惑也果以為仁必知經智必知權是又未盡於經權之道

也何也經也者常也權也者達經者也皆仁智之事也

離之滋惑矣經非權則泥

乃計切

權非經則悖是二者強

名也曰當

張云丁浪切下同

斯盡之矣當也者大中之道也離

而為名大中之器用也知經而不知權不知經者也知
權而不知經不知權者也偏知而謂之智不知者也偏
守而謂之仁不仁者也知經者不以異物害吾道知權
者不以常人怫吾慮合之於一而不疑者信于道而已
者也且古之所以言天者蓋以愚蚩蚩者耳非為聰明

睿知者設也或者之未達不思之甚也

辨侵伐論

在集賢院為徵天下兵討淮西作
時德宗貞元十五年討吳少誠

春秋之說曰凡師有鐘鼓曰伐無曰侵

左傳莊公二十九年句

周

禮大司馬九伐之法曰賊賢害人則伐之負固不服則

侵之然則所謂伐之者聲其惡於天下也聲其惡于天

下必有以厭于天下之心夫然後得行焉古之守臣有

服人之財

服一作沒一作私一作傷童云音宣縮也

危人之生而又害賢人

者內必棄於其人外必棄於諸侯從而後加伐焉動必克矣然猶校德而後舉量力而後會備三有餘而以用其人一曰義有餘二曰人力有餘三曰貨食有餘是三者大備則又立其體正其名脩其辭其害物也小則誥誓徵令不過其鄰雖大不出所暴非有逆天地橫四海者不以動天下之師故師不踰時而功成焉斯為人之舉也故公之公之而鐘鼓作焉夫所謂侵之者獨以其負固不服而壅王命也內以保其人外不犯於諸侯其

過惡不足暴於天下

暴音僕

致文告修文德而又不變然

後以師問焉是為制命之舉非為人之舉也故私之私之故鐘鼓不作斯聖人之所志也周道既壞兵車之軌交於天下而罕知侵伐之端焉是故以無道而正無道者有之以無道而正有道者有之不增德而以遂威者又有之故世日亂一變而至於戰國而生人耗矣是以有其力無其財君子不以動衆有其力有其財無其義君子不以帥師合是三者而明其公私之說而後可焉

嗚呼後之用師者有能觀其侵伐之論則善矣

六逆論

春秋左氏言衛州吁之事因載六逆之說

左傳隱公三年

曰賤

妨貴少陵長遠間親新間舊小加大淫破義六者亂之本也余謂少陵長小加大淫破義是三者固誠為亂矣然其所謂賤妨貴遠間親新間舊雖為理之本可也何必曰亂夫所謂賤妨貴者蓋斥言擇嗣之道子以母貴者也若貴而愚賤而聖且賢以是而妨之其為理本大

矣而可捨之以從斯言乎此其不可固也夫所謂遠間
親新間舊者蓋言任用者之道也

一本无者字

使親而舊者

愚遠而新者聖且賢以是而間之其為理本亦大矣又

可捨之以從斯言乎必從斯言而亂天下謂之師古訓

可乎此又不可者也嗚呼是三者擇君置臣之事天下

理亂之本也

一本之下有
大字

為書者執斯言著一定之論以

遺後代上智之人固不惑于是

一本有
矣字

自中人而降守

以為大據而以致敗亂者

敗一作賊

固不乏焉晉厲死而悼

公入乃理

左傳成公十八年

宋襄嗣而子魚退乃亂

子魚名目夷宋襄之

歲兄事見左傳僖公八年

貴不足尚也秦用張祿而黜穰侯乃安

張祿

范雎也穰侯魏冉也史記秦昭王事

魏相成璜而疎吳起乃危

成璜謂魏成翟璜史

記魏文侯事

親不足與也苻氏進王猛而殺樊世乃興

晉載記苻

堅胡亥任趙高而族李斯乃滅

秦二世

舊不足恃也顧所

信何如耳然則斯言殆可以廢矣噫古之言理者罕能

盡其說建一言立一辭則艱而不安

童云艱倪結切

也潘本作覲覲云諸韻並作覲項書作机陞後答許京兆書艱兀同此覲覲字非覲音中列切覲諸韻同

之是可也謂之非亦可也混然而已教于後世莫知其所以去就明者慨然將定其是非則拘儒瞽生相與羣而昧之

童云昧音休又況羽切皆痛念聲也

以為狂為怪而欲世之多有

知者可乎夫中人可以及化者天下為不少矣然而罕有知聖人之道則固為書者之罪也

柳河東集注卷三